

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA**

**Broj: T04 0 KT 0054646 24  
Zenica, 28.05.2024. godine**

**OPĆINSKI SUD U ZENICI  
sudija za prethodno saslušanje  
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

**OPTUŽNICU**

**Protiv:**

**S. S., *osuđivan***

**Što je**

Dana 17.08.2023. godine u jutarnjim satima u Zenici, u kafiću preko puta stadiona Bilino Polje, S. B.s kojom je ranije bio u kratkoj vezi najprije prijetio nožem i tražio od nje da svom bratu ne kaže da ju je tukao, potom se derao na nju, nazivao je kurvom, tražio da krene sa njom, potom je udario otvorenom pesnicom u predjelu lica i na silu izveo iz kafića na cestu gdje ih je vidio B. brat M. E., koji je pozvao B.da dođe do njega, u kojem trenutku je S. S. iz torbice izvadio preklopni nož i krenuo prema M. E., kojeg je potom B. ugurala u kafić u namjeri da ga spasi, dok je S. S. za to vrijeme mahao nožem, vrijeđao ih i prijetio da će ih ubiti, sve vrijeme svjestan da na navedeni način vrijeđanjem, naročito drskim i bezobzirnim ponašanjem, te nasiljem prema drugom ugrožava građanski mir, što je i htio, u kojem trenutku su na lice mjesta došli policijski službenici PS Centar koji su ga lišili slobode i od istog oduzeli preklopni nož crne boje, ošttrice 10 cm i drške od 13 cm,

**Dakle,** vrijeđanjem, naročito drskim i bezobzirnim ponašanjem, te nasiljem prema drugom ugrozio građanski mir,

**Čime je** počinio krivično djelo nasilničko ponašanje iz člana 362. stav 1. KZ FBiH.